



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

Canones.

urn:nbn:de:hbz:466:1-15300

290 MARTINVS P. I. CONCILIVM CONSTANS IMPERATOR.
CLODOVEVS II. REX FRANC. ANNO
CHRISTI 630.

domini Clodoueiregis , pro zelo religionis, vel orthodoxyæ fidei dilectione , in Cabilonensi vrbe in ecclesia sancti Vincentii pariter congregati, ipsius sancti martyris intercessionem poscentes, vt longæuitatem supradieti principis suo suffragio mereremur , & inspiratione diuina interueniente , de Canonibus significaretur, quod si fuisset aliquid prætermissum, vel per negligentiam , aut ignorantiam vitiatum , in pristinum statum, sicut dudum fuerata sanctis patribus statutum, deberet auxiliante Christo Dominino reformari.

C A N O N E S.

I.

Ita omnes vna conspiratione & conniuente animo sentientes definiuimus, vt fidei norma , sicut in Nicæno Concilio pia est professione firmata , vel a sanctis patribus tradita, atque ab ipsis exposita, vel in postmodum a sancto etiam Calchedonensi Concilio firmata , in omnibus & ab omnibus conservetur.

II.

Canonum vero statuta ab omnibus intemerata serventur.

III.

Licet iam prioribus Canonibus fuerit statutum, placuit tamen renouare , vt si quis episcopus , presbyter , aut diaconus , vel quicumque ex sacerdotali catalogo, præter personas quæ in ipsis Canonibus continentur , cum qualicumque extranea muliere familiaritatem habere præsumperit , quæ dedecoris vel adulterii possit afferre suspicionem , iuxta statuta Canonum ab ordine degradetur.

IV.

Vt duo in vna ciuitate penitus vno tempore nec ordinentur , nec habeantur episcopi , ne res ecclesiæ sœua diuisione debeat partiri.

V.

Sæculares vero , qui necdum sunt ad clericatum conuersi , res parochiarum , vel ipsas parochias minime ad regendum debeant habere commissas .

V I .

Vt nullus ante audientiam res quarumlibet ecclesiarum inuadere , aut auferre præsumat : quod qui fecerit , vt necator pauperum habeatur .

V I I .

Vt defuncto presbytero , vel abbatte , nihil ab episcopo auferatur , vel archidiacono , vel a quocumque , de rebus parochiæ , vel xenodochii , vel monasterii aliquid debeat minuere . Quod qui fecerit , iuxta statuta Canonum debeat coerceri .

V I I I .

De pœnitentia vero peccatorum , quæ est medela animæ , vtilem hominibus esse censemus : & vt pœnitentibus a sacerdotibus data confessione indicatur pœnitentia , vniuersitas sacerdotum noscitur consentire .

I X .

Pietatis est maximæ & religionis intuitus , vt captiuitatis vinculum omnino a Christianis redimatur . Vnde sancta Synodus noscitur censuisse , vt nullus mancipium extra fines vel terminos , qui ad regnum domini Clodouei regis pertinent , penitus debeat venumdare : ne , quod absit , per tale commercium , aut captiuitatis vinculo , vel , quod peius est , Iudaica seruitute mancipia Christiana teneantur implicita .

X .

Si quis episcopus de quacumque fuerit ciuitate .

Concil. Tom. 15.

O o ij

te defunctus, non ab alio nisi a comprouincialibus,
clero, & ciuibus suis, alterius habeatur electio: sin
aliter, huiusmodi ordinatio irrita habeatur.

X I.

Peruenit ad sanctam Synodum, quod iudices
publici contra veternam consuetudinem per omnes
parochias, vel monasteria, quæ mos est episcopis
circuire, ipsi illicita præsumptione videantur dis-
currere; etiam & clericos vel abbates, vt eis præpa-
rent, inuitos atque districtos ante se faciant exhibe-
ri: quod omnimodis nec religioni conuenit, nec
Canonum permittit auctoritas. Vnde omnes vna-
nimiter censuimus sentientes, vt deinceps ista de-
beant emendare: & si præsumptione, vel potestate
qua pollut, excepto inuitatione abbatis vel archi-
presbyteri, in ipsa monasteria vel parochias aliquid
fortasse præsumperint, a communione omnium
sacerdotum eos conuenit sequestrari.

X I I.

Vt duo abbates in uno monasterio esse non de-
beant; ne sub obtentu potestatis simultas inter mo-
nachos, & scandala generentur. Verumtamen si
quilibet abbas sibi elegerit successorem, ipse qui e-
ligitur, de facultatibus ipsius monasterii ad regen-
dum nullam habeat potestatem.

X I I I.

Vt nullus alterius clericum retinere præsumat,
sicut priscis est Canonibus statutum, nec ad sacrum
ordinem sine voluntate episcopis sui penitus promo-
uere.

X I V.

Nonnulli ex fratribus & coepiscopis nostris re-

ANNO CHRISTI 650. sidentibus nobis in sancta Synodo in querimoniam detulerunt, quod oratoria per villas potentum iam longo construēta tempore, & facultates ibidem collatas, ipsi quorum villæ sunt episcopis contradicant, & iam nec ipsos clericos, qui ad ipsa oratoria deseruiunt, ab archidiacono coerceri permittant: quod conuenit emendari; ita dumtaxat ut in potestate sit episcopi, & de ordinatione clericorum, & de facultate ibidem collata, qualiter ad ipsa oratoria & officium diuinum possit impleri, & sacra libamina consecrari. **Quod si quis contradixerit, iuxta priscos Canones communione priuetur.**

X V.

Vt abbates & monachi, aut agentes monasteriorum, patrocinio sacerdotali penitus non tantur; nec ad principis præsentiam sine episcopi sui permisso ambulare audeant. **Quod si fecerint, a suis episcopis excommunicentur.**

X VI.

Vt nullus episcopus, neque presbyter, vel abbas, seu diaconus per præmium ad sacrum ordinem amodo penitus accedat. **Quod qui fecerit, ipso honore, quem præmiis comparare præsumperit, omnino priuetur.**

X VII.

Et quia multa per præsumptionem proueniunt, quæ Deo minus placita, & sacris Canonibus videtur esse contraria, quæ a sacerdotibus necesse est coerceri, ita sancta Synodus instituit, vt nullus sacerdotalium nec in ecclesia, nec infra atrium ipsius

O o iij

ecclesiæ , qualemcumque scandalum , aut similitates penitus excitare præsumat ; nec arma trahere , aut quemcumque ad vulnerandum vel interficiendum penitus appetere . Quod si quis fortasse præsumperit , ab episcopo loci illius , vbi factum fuerit , ipse iuxta statuta Canonum communione priuetur .

ANNO
CHRISTI
650.

XVIII.

Licet generaliter ab omnibus catholicis , & Deum timentibus diem dominicum , quod est prima sabbati , conuenit obseruari , & sicut in superioribus Canonibus est statutum ; non aliquid novi condentes , sed vetera renouantes instituimus , vt in ipso die dominico ruralia opera , id est arare , secare , messes metere , exartos facere , vel quidquid ad ruris culturam pertinet , nullus penitus præsumat . Quod qui inuentus fuerit faciens , sub disciplina distinctionis omnimodis corrigatur .

XIX.

Multa quidem eueniunt , quæ dum leuia minime corriguntur , saepius maiora consurgunt . Valde enim omnibus noscitur esse indecorum , quod per dedicationes basilicarum , aut festiuitates martyrum , ad ipsa solennia confluentes chorus femineus turpia quidem & obscena cantica decantare videntur , dum aut orare debent , aut clericos psallentes audire . Vnde conuenit , vt sacerdotes loci talia a septis basilicarum , vel porticibus ipsarum , ac etiam ab ipsis atriis vetare debeat & arcere . Et si voluntarie noluerint emendare , aut excommunicari debeat , aut disciplinæ aculeum sustinere .

XX.

Agapium vero & Bobonem Diniensis urbis episcopos, pro eo quod ipsos contra statuta Canonum in multis conditionibus errasse vel deliquisse cognouimus, ipsos iuxta tenorem Canonum ab omni episcopatum ordine decreuimus degradare.

S V B S C R I P T I O N E S.

Candericus episcopus ecclesiae Lugdunensis, his constitutionibus subscripsi.

Landalenus episcopus ecclesiae Viennensis, his constitutionibus subscripsi.

Audoenus episcopus ecclesiae Rothomagensis, his constitutionibus subscripsi.

Armentarius episcopus ecclesiae Senonicæ, his constitutionibus subscripsi.

Vylfoledus episcopus ecclesiae Bituricæ, his constitutionibus subscripsi.

Donatus episcopus ecclesiae Vesontiensis, his constitutionibus subscripsi.

Rauracus episcopus ecclesiae Niuerensis subscripsi.

Deodatus episcopus ecclesiae Matisconensis subscripsi.

Pappolus episcopus ecclesiae Genauensis subscripsi.

Palladius episcopus ecclesiae Autifidorenensis subscripsi.

Ferreolus episcopus ecclesiae Augustodunensis subscripsi.

Bertoaldus episcopus ecclesiae Lingonicæ subscripsi.

Audo episcopus ecclesiae Aurelianensis subscripsi.

Malardus episcopus ecclesiae Carnotinæ subscripsi.

Aurelianus episcopus ecclesiae Ventiensis subscripsi.

Baudomeris episcopus ecclesiae Tarantasiensis subscripsi.

Protasius episcopus ecclesiae Sedunensis subscripsi.

Ingildus episcopus ecclesiae Valentinæ subscripsi.

Clarus episcopus ecclesiae Gratianopolitanae subscripsi.

Gratus episcopus ecclesiae Cabilonensis subscripsi.

Florentinus episcopus ecclesiae Bellicensis subscripsi.

Ætherius episcopus ecclesiae Ebredunensis subscripsi.

Magnus episcopus ecclesiae.

Betto episcopus ecclesiae Tricastinensis subscripsi.

Potentissimus episcopus ecclesiae Vappicensis subscripsi.

Arricus episcopus ecclesiae Lausanensis subscripsi.

Claudius episcopus ecclesiae Regensis subscripsi.

Licerius episcopus ecclesiae Vindauzensis subscripsi.

Petronius episcopus ecclesiae Vasionensis subscripsi.

Bertefredus episcopus ecclesiae Ambianensis subscripsi.